

Protocol no. 55
Sezzüda da gövgia, als 14 favrer 2013 19.30 – 22.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Pro las fatschendas nr. 471 il silvicultur, Mario Riatsch ed il
manader tecnic, Christian Poo

Pro la fatschenda nr. 472 il manader tecnic, Christian Poo

Protocol

Il protocol no. 54 da la sezzüda da gövgia, als 7. favrer 2013 vain approvà.

471 622 GRUPPA DA MANTEGNIMAIN
Problematica mancanza da personal

Il manader tecnic vaiva concepì üna glista chi demuossa la problematica pro diversas lavuors. Pustüt i'l sector rotta – rumida da naiv as fan prevalair problems da personal, sco p. ex. quist inviern ingio chi ha adüna darcheu dat naiv ed i's ha lura stuvü agir a cuorta vista culla glied chi'd es avantman. Vieplü sto gnir fat adöver d'impiegats dal servezzan da god pel sector "vias e piazzas cumünalas". Quel fat chaschuna ün chal da la qualità da lavur da la gruppa da god.

La problematica vain motivada sco segua:

Dürant ils ultims 3 ons sun sortidas diversas personas chi vaivan raggiunt l'età da pensiun ed üna chi ha subi üna scurzida dal pensum da lavur per 50%. Tuot in tuot as tratta quai d'ün volüm da personal da var 300% chi manca hoz.

I vain preschantad'üna valütaziun sur da la situaziun in basa d'üna survista cun graficas, chi demuoss'il seguaint:

- dal 2010 fin dal 2012 s'ha augmantà il scumpart d'ingaschamaint tanter cumün e forestal in möd considerabel (ex. 2010 ingasch. cumünal 48.1% ingasch. forestal 29,8% / dal 2005 d'eira quel amo egualisà).
- il trend cha'ls impiegats han da prestar vieplü sururas crescha

In basa da las orientaziuns e documainta as fa prevalair il bsögn d'ün ingaschamaint pro la gruppa da mantegnimaint i'ls contuorns d'üna mezza piazza. La fatschenda vain uossa examinada e perseguitada.

472 021 FABRICA
Dumonda da fabrica / Andri Mosca, Curtin Sura, parcella nr. 332

Foura geotermica per üna pumpa da chalur in connex culla renovaziun dal stabillimaint existent in Curtin Sura. Tuot la documainta ais avantman in büro cumünal. I van decis d'inoltrar la dumonda a l'uffizi chantunal e tilla publichar in cumün.

474 340.503 Sport
Proget d'innaiver 1. etappa

Las pendicularas Motta Naluns SA han surdat üna stima da cuosts a regard las lavuors da sanaziun vi da l'indriz d'innaiver. Ils cuosts s'amuntan a ca. fr. 150'000.00.

La fatschenda a regard il scumpart dals cuosts vain uossa sclerida plü a fuond culs respunsabels da las pendicularas.

476 ORIENTAZIUNS

Pendiculara Piz Val Gronda

La Silvretta Seilbahn AG ha respus e tut posiziun sün nossa charta a regard la problematica da la staziun da muntogna da la pendiculara Piz Val Gronda. Ils respunsbels nu vezzan ingüna pussibilità da dischlocar ün toc a val la staziun da muntogna (il permiss pel indriz ais avantman finigà daspö settember 2012, i ha dürà 27 ons fin cha quel permiss ais gnü concess).

Il Cussagl ha tut cugnuschentscha da quist fat ed ultra da quai chi saja giavüschà da chattar insembel üna soluziun per evitar consequenzas negativas pella Val Chöglas.

L'actuar:
Marco Fallet

Il Capo:
Albert Mayer

Las fatschendas nr. 473 e 475 nu vegnan publicadas, causa cha quellas nu sun amo trattadas in möd conclusiv e na amo decisas.